

Jakob N. Mathiassen, Nuussuaq 35-001, 3905 Nuussuaq, Grønland
Mail: jakobm@greenet.gl Tlf. i Grønland: +299 220348. Tlf. i Danmark: +45 2714 0828

Aatsitassanut Ikummatissanullu Pisortaqaarfik

Nuuk, ulloq 7. Marts 2012.

Namminersorlutik Oqartussat

Nuuk

Nassiunneqarpoq bmp@nanoq.gl

Uunga tunngatillugu oqaaseqaatit: Misissueqqissaarnissami alliliinissamut akuersissummik qinnuteqaat nr. 2009/16

Akerliuneq una atasinnaassusermik amigaateqarnermik kiisalu nukissiuteqarnerup tungaatigut saviminissap suliarineqarnissaanut BAT-imik amigaateqartoqarneranut tunngassuteqarpoq.

ISUA-ta eqqaani imermik nukissiuteqarnissaq aammalu piumagaanni – imermik nukissiuteqarnissamut tunngasut ataqatigiissarneqarnissaat periarfissaagunarpoq aluminiuliorfissaq eqqarsaatigalugu.

Taamaattumik isumaga unaavoq:

“London Miningip misissuinissamut akuersissummik tunineqartariaqanngilaq, atuilluni il.il. piaaffiliorfissap erngup nukinganik atuilersinnagu. Akuersiissutitut aalajangersarneqartariaqaralarpoq, London miningip erngup nukinganik nukissiuteqarluni ingerlanissaa, dieselitortumik nukissiuteqarnissaq katillugu 150 MW-mik atuisussaq pinnagu.”

Siullertut erseqqissaatigerusuppara, ISUKASIA-ni saviminissamik saviminissaliorfissaliornissaq isumaqataaffigigakku nunatsinnilu aatsitassaliorfissat allat (soorlu aluminiuliorfissaq aamma isumaqataaffigigakku) kisiannili sumiiffinni tassani erngup nukinganik atortoqarnissaq periarfissaasoq saneqqunneqarsinnaanngilaq, soorlu Naalakkersuisooqatigiit isumaqatigiissutaannut aamma naapertuuttussaasoq.

Taakku dieselimik nukissiuteqarfissat CO2-mik ukiumut 600.00 tonsinik aniatitsisussaapput. Tassa Kalaallit Nunaanni aniatitsinerup 650.000 tonsiusup (agg. 2006-imiit 2010 ilanngullugu) kisitsisaatigineqartup marloriaatinngorlugu. Qanorluunniit Naalakkersuisut isumaqatigiissutissaat milliliinissamut piumasaqaateqaralarpat, nunarsuarmioqataanerup isaanit akuerineqarsinnaanngilaq taama mingutitsisoqassappat, BAT atorneqartinnagu pinngitsoortinneqarsinnaappat, uani pineqarluni erngumit nukissiuteqarneq.

Kisitsinerit taakku saqqummiunneqarsinnaapput, London Miningilli saqqummiussinerani ilaatinneqanngillat, kisitsisiniilli taakkunanga 50%-ii toqqaannartumik dieselimik atuinermut (\$13, 72-it tonsimut ataatsimut \$29-iummat). Maanna dieselimut akigitinneqartoq liiterimut 5,57 kr. kiisalu pilersaarut malillugu ukiumut 15 mio tonsi aningaasartuutigineqartussaassamat ima aningaasartuutissat annertutigilissapput 1,1-imiit 1,2 mia koruunit tungaannut (200 mio liiterimut dieseli atorneqartassaaq).

Taama annertutigisunik aaqqiineq aningaasanik erniaqarlualissapput ukiullu arlaqanngitsut qaangiuppata aningaasarsiutigineqalissallutik.

London Miningip saviminissaliorfissaq imminut akilersinnaasorujussuurtut nalilerpaa, allaat qaammata 32-ini 10 mia. Koruunit sinnerlugit sinneqartooruteqarsinnaasussatut. Taakkulu aningaasat sinneqartoorutissatut utertussat kiniiserit niuerfiata akigititai appaseqisut malillugit kisitaapput.

Piffissaq sivikitsaq atorlugu sinneqartoorutissat taakku London Miningimit ukiut 15-it ingerlatsinermik aallaaveqarluni kisitaapput, qularnanngitsumillu ukiut 30 sinnerlugit ingerlatsineq ilanngunneqarsimassalluni. London Miningimit dieselimik atuinissaq pillugu tunngavilersuutigineqartutuaavoq taamaaliorneq sukkanerusumik atuisoqarsinnaassamat. Tamanna ilumoorpoq, kisiannili saviminissaliorfissap piviusunnngortussaavoq, qularineqassanngilarlu piumaneqassusaa akiilu ukiuni tulluunni milliartussasut.

London Miningip tusarniaanermi oqaatiginikuuaa, ukiut 15-it ingerlareerpata erngup nukinanik pilersitsisinnaaneq/-rit piviusunnngorumaartoq/-tut.

Tamanna uppernanngilluinnarpoq, tassami London Miningip aallaqqaataaniilli erngup nukinga atorlugu sanalinngimmat. Aningaasanik sinneqartoornissaq ukiunit 15-iniit sivikinneerarsuavoq.

Ilisimaarilluinnarpara, imermut nukissiuteqarfissaq (Tarsartuup Tasersuata eqqaaniittussaq, 175-200 MW, nr. 06g Nukissiorfiit allattorsimaffia malillugu) minnerpaamik annerpaamilluunniit aluminiuliorfissatut aalajangiiffigineqarnikuusoq.

ISUA-niilli 40-50 avannamut kilometerinik ungasissusilimmik atorneqanngitsumik imeqarfiliorfissallugu piukkunaateqarluartoqarpoq (Sdr. Isortup Isua, nr. 07d). Allat aluminiuliorfissatut misissugarineqarsimasut imeqarfiliorfissatut piukkunnaateqartut misissugarineqarsimapput, tamarmilli angivallaarsimallutik, siornatigut annertussusilersuinerminngarnit, soorlu 07.d-mik piukkunnaatilik 125 MW-miit anneruvoq, piaaffiliorfissallu atorfissaqartitaanut kiisalu talittarfissamat naleqqunnaviarnani.

Imerkik nukissiuteqarfiliussalluni atortussat tungaatigut annertoorujussuarnik atuisoqartussaasoq, Tasartuup Tasersuani imermik nukissiuteqarfiliassamit pilersaarutaareersumit ilisimaarilluarpara, kisiannili Naalakkersuisooqatigiit isumaqatigiissutaat malinneqartariaqarpoq, soorlu qupp. 15-imiittoq immikkoortumi allaqqasq ima:

Jakob N. Mathiassen, Nuussuaq 35-001, 3905 Nuussuaq, Grønland
Mail: jakobm@greenet.gl Tlf. i Grønland: +299 220348. Tlf. i Danmark: +45 2714 0828

Nukissiuteqarneq

Nukissiuteqarneq eqqarsaatigalugu mingutitsinngitsunik nukissiutinik atuinernik ineriartortitsisoqassaaq, soorlu imermut nukissiuteqarnermi. Kalaallit Nunaat pingaarnertut mingutitsinertaqanngitsunik nukissiuteqarnissaa siunertaavoq. Nunaniilli allanit nukissiuteqarnermik isumalluuteqarneq millisikkiartuaarneqassalluni.

Imermik nukissiuteqarfissaq ataqatigiisumik isigineqartariaqarpoq

Kaammattuutigissavara, Naalackersuisut saviminilerivissamik aluminiliuliorfissamillu ataatsimoorullugit isiginiassagaat. Aatitsiviliorfissap eqqaani ineriartortitsineq ukiuni kingullerni ima kinguneqarsimavoq, Alcoa 2007-imi 650 MW-nik atortussaallugit kisissimasai, ukiumullu 340.000 tons aluminium atorreqartussaasoq, ullumikkut 400.000 tonsinik atuneruvoq. Tassalu 20%-inik annertunernik.

Ilimagineqarpoq taama innaallagiamik atuneq ingerlaannassasoq.

Kalaallit Nunaata siunissaq ungasinnerusoq eqqarsaatigalugu soqutigisariaqarpaa, ISUA-ta kujataatungaani avannaatungaani imeqarfiliasaqqissoqarmat, kingusinnerusukkullu sinerissamut ingerlateqqinneqarsinnaasoq, saviminilerivissaq atorneeruppat. Maannali Sdr. Isortup Isua pilersinneqarsinnaappat, aallakaatitsivimmik attavilerneqarsinnaassagaluarami, Maniitsumut atalersillugu. Tamanna Alcoa London Miningimullu annertunerujussuarmik ingerlatsinermut ajornartorsiutinut qularnaannerussagaluarpoq.

Naalackersuisunut piumasaqassalluni ajornarnaviannngilaq pilersaarusiata taakku marluk ataatsimut suliarissallugit.

Inussiarnersumik inuulluaqqusillunga

Jakob Mathiassen